



**I**oannes natus est honestis parentibus in Saxonia. Is cum felici ingenio esset præditus, à cunabulis operã literis dedit, & primis rudimentis perceptis, sese ad Vuitebergensem & Lypsensem Academiam contulit, atq; liberalibus artibus & in primis Poëtice magna diligētia incubuit. In ijs quoq; plurimum profecit, atq; soluta & ligata oratione excellēs, inter uiros doctissimos relatus fuit. Itaq; inter artium professores adscitus, magno successu docuit, atq; eas Academias sua industria decorauit. Scripsit is uaria Epithalamia, Epigrammata, & Epitaphia, quę passim apud bonos autores extāt. ut de morte Euricij Cordi Epicedion, Epithalamium Georgi Sabini & Annæ filię Melanchtonis.

Vertit carmine doctissimo plurimos Davidis Psalmos, atque aliquot hymnos composuit, & Lypsie anno Christi 1548 ædidiit. Hinc factum ut præclaram nominis famam nactus, ob eruditionem cunctis doctis gratissimus fuerit. Con.  
Lycoth.